

衛輝府志



2361

衛輝府新志序



天下事莫為之前無以彰  
往莫為之後無以訓來惟  
有非常之人乃建不朽之  
業我

大中丞賈公撫豫之三年大  
河南比吏飭民安波恬塵

衛輝府志



靜其一切良法美意真足  
以移風俗而開太平業已  
頌不啻口史不勝書其闕  
各麗邑者各麗邑人類能  
言之即如於吾衛豁輝邑  
之荒糧官民釋累分東西  
之驛路輪蹄獲甦此尤其

最大者乃猶以為

世代更新謨猷由舊固

聖朝之忠厚而其間革以善因  
損以濟益者不無也若再  
悠悠置之不但無以重

國家且慮無以勗官守也謀之

直指

衛輝府志

序

二

藩臬諸司咸力贊之爰檄八  
郡一州各修乘譜爰次者  
序殘闕者補舉凡近今之  
事有裨於

廟筭民生者罔不搜羅編入彼  
山川星野地里本無移易  
而建置之有沿革成毀田

賦之有荒熟增減祠祀之  
有存亡舉廢官師之有久  
暫黜陟與夫選舉之時盛  
時衰人物之或臧或否藝  
文之為繁為簡以及災祥  
之卜豐歉議論之備考稽  
悉與鑿正永示遵循誠一  
之何以敬

新朝之何以興官斯地者知前  
人之何以作後人之何以  
承其於我

中丞公彰往訓來之意不昭

垂無窮極也哉秀備兵鳳  
宿所治穎毫之間實與豫  
鄰側聞我

中丞公年來舉措久拜下風  
適者江南有事甫熄干戈  
將圖文獻我

巡方衛公恭陳各郡情形等

衛輝府志

卷

四

疏已具梗概則維

中丞公起而葺志者方遍海  
內是其表章整飭之功不  
僅在一省而併在天下矣  
秀喜其書之成也走筆序  
之蓋既為

朝廷慶得非常之人而更為桑

稗慶不朽之業推斯志也  
於天下事何有

冬 順治十六年歲次己亥季

賜進士出身整飭鳳宿道副使  
前戶科給事中汲人李實

秀撰

衛輝府志

八序

五

序終

衛輝府舊志序

序曰郡邑之有志也厥繫豈  
不詎且重哉彰往以訓來循  
跡以議政酌時以宜民揆勢  
以興治舍志曷稽焉匪曰載  
故實列品彙具形勝紀文藝  
藉以資博識備談藪云爾也

疆域之險易物產之豐嗇徭  
役之重輕政令之得失風俗  
之美惡人才之升降士女之  
節行所以端治軌而奠民生  
非司牧者亟當加意者乎衛  
郡濱大河據殷墟山川映帶  
幅幘數百餘里有康叔肇封

於周迄今為要郡云郡之志  
遐邇者莫可考已嘉靖初廣  
平申公廷言實創厥始今因  
後事未登前紀或畧郡守興  
除之暇議汲郡志視昔大加  
詳備屬余為序昔季扎聞歌  
衛風歎美庫叔之德孔子適

衛稱人民之庶也繼以富教  
之兩言永訓哉夫生齒蕃育  
風俗移易非司牧者所有事  
耶誠於志之所載盡心焉疆  
域則思周防物產則思蕃殖  
徭賦則思調停政令則思慎  
重風俗人才節行則思移易



思作興思表揚本之誠心而  
見諸實政庶幾一方羣生咸  
有攸賴而頌聲作矣山川之  
靈且燁有輝光而司牧君子  
且永有令譽於世世哉節也  
不文附茲迂談且藉以質新  
志之成績云明萬曆癸卯賜

衛輝府志

序

八

進士第奉政大夫戶部郎中  
郡人侯大節撰

序終

衛輝府為纂修誌書以備典要事蒙  
河南布政使司信牌順治十五年三  
月二十八日蒙

欽差巡撫河南等處地方提督軍務無  
理河道兵部尚書兼都察院右副都  
御史加貳級賈 憲牌前事照得各  
府州縣之有誌也其所紀載不越提

衛輝府志

序

封四境之中而實能備

國史之所未盡猶太宗之有小宗焉猶  
江海之支流山嶽之峻阜焉不可廢  
也中州夙稱文獻名邦高賢輩出其  
于典故載籍必所素重昨據該司呈  
送通省府州縣誌書僅四十六種其  
餘各屬咸稱兵燹之後蕩然無遺就

其中新經纂刻者止汝州永寧數處  
此外皆係勝國舊編而于近今之事  
者俱付闕如及今不圖恐世遠人湮  
老成凋謝後來雖欲從事勢必更難  
擬合通行急為修纂為此牌仰本司  
官吏文到即便轉行各府州縣凡無  
誌者速宜網羅舊章博求稗乘敦禮

者英開局哀輯其有舊誌而未載近  
今之事者或有雖經隸刻而因陋就  
簡不諳史裁者亦須多方采集更延  
名碩訂正務使缺畧咸輯今昔脩載  
修成先錄清稿呈送本部院披覽諒  
此不朽之垂人人自有同心也毋得  
遲違等因到司備行到府衆此擬合

就行為此沾仰本縣官吏照帖備蒙  
憲牌內事理即察該縣無誌者速宜  
網羅舊章博求稗乘敦禮耆英開局  
衷輯其有舊誌而未載近今之事者  
或有雖經翻刻而因陋就簡不諳史  
裁者亦須多方採集更延名碩訂正  
務使缺畧咸輯今昔備載修成先錄

衛輝府志

序

三

清稿具文徑送

本部院併送本司本府披覽諒此不  
和之垂人人自有同心也慎勿遲違  
速速領至帖者

右帖下汲縣准此

順治十五年四月

日

續修衛輝府新志目錄

卷之一 禮

圖考

府縣總圖

府城圖

四境圖

府衙圖

縣衙圖

地里志

沿革

星野

疆城

形勝

山川

市集

古蹟

風俗

卷之二

建置志上

衛紀

歷代封爵

卷之三 樂

建置志中

城池

公界

學校

兵防

卷之四

衛輝府志

目錄

建置志下

驛傳

舖設

官室

閘梁

堤堰

卷之五

田賦志上

土田

戶口

卷之六

田賦志下

稅糧

徭役

馬政

卷之七

祀祠志

壇廟

寺觀

丘墓

卷之八

射

官師志上

聖蹟

宦業

卷之九

官師志下 設官 歷官

卷之十 御

選舉志上 科第 甲科 鄉科

卷之十一

選舉志中 歲貢 恩選貢 武舉

卷之十二

選舉志下 薦辟 例貢 委署  
封贈 錄蔭 戚畹

卷之十三

衛輝府志 目錄

人物志上 賢哲

二

卷之十四 書

人物志中 隱逸 孝義 列女

卷之十五

人物志下 游寓 仙釋

卷之十六

藝文志上 文類 歷代御製 碑銘 說記

卷之十七 數

藝文志中 贊辨 引序 疏  
諭祭

卷之十八

藝文志下 詩

卷之十九

雜志

災祥  
河漕議

防河議  
鹽政議

儲粟議

衛輝府志

目錄

三

衛輝府志目錄終

脩志姓氏

總裁

巡撫河南都察院右副都御史太子孫賀級賈漢復

膠侯滿洲籍  
曲沃人

巡按河南監察御史李粹然

君煥遼東遼  
陽人戊子

河南察荒監察御史李森先

琳枝山東掖縣  
籍平度人庚辰

提調

布政使司左布政使徐化成

文侯昌平籍滿  
洲人丁亥貢士

衛輝府志

官目

右布政使桑芸

芸雲山西榆次  
人庚辰

按察使司按察使馬燁魯

觀陽浙江平湖  
人已丑

管通省糧儲道左叅政馬元

子貞遼東籍真  
定人丁亥貢士

管通省驛傳鹽法兵備僉事陳士本

頤仙江南武進  
人貢士

提督學政副使汪永瑞

絨巷江南長洲  
籍吳縣人丁亥

分巡大梁道副使沈奎

位菴江南青  
浦人壬辰

分守河北道右叅政朱廷璟

山輝陝西富平  
人已丑



分巡河北道僉事加壹級楊春芳  
莒蒿北直興濟人拔貢

督理

衛輝府知府程啓朱  
念伊湖廣黃岡人已丑

同知鄭玄成  
王汝山東臨清人選貢

通判朱鼎銘  
梅岑順天宛平人官監

推官張俠  
穆庵北直清苑人戊戌

較梓

衛輝府志

官目

汲縣知縣石邦柱  
錫公山東濟南府長清縣人貢士

同較

府儒學教授曹塤  
儲章商丘人貢士

訓導王仲起  
幼卿萊陽人歲貢

韓元春  
善良河內人歲貢

縣儒學教諭祖衍嗣  
綿綿安陽人歲貢

訓導王廷議  
建白扶溝人歲貢

纂修

邑人戶科左給事 中蘇文樞

邑人整飭鳳宿兵備道副使李實秀

邑人巳亥進士李芳辰

邑人府庠廩膳生員余命益

評論

邑人歲貢候選知縣李大生

衛輝府志

官目

三

邑人乙酉舉人崔景耀

邑人戊子舉人馬崇慶

邑人貢監生蘇文標

邑人恩拔貢生李新基

謝譯

訂正

邑人戊戌進士蘇喟

邑人戊子舉人侯寶三

邑人甲午舉人余命牧

采輯

邑人府庠廩生李文斗

邑人縣庠廩生董繼儒

邑人府庠廩生孟玠

劉鏞

衛輝府志

今官目

四

王楨

余命燮

衛輝府志

圖考

按周禮大司徒以天下土地之圖周知地域廣輪之數辨其名物則圖之繇來尚矣衛郡之地西逼太行南濱大河北通燕趙東接齊魯固河朔之要地而中土之輿區也第道路交衝則力疲于奔命壤地褊瘠則財竭于征輸昔所稱土地饒美而人民殷富者安在哉司牧者坐堂宇之上而洞覽遐逝觸于目而警于心能無閱斯圖而重有所感也


衛輝府志

圖

東至直隸大名府滑縣界七十五里

一百一十五

衛輝府疆域圖



北至彰德府

南至開封府

隰縣界七十七里




津縣界四十四里

西至山西澤州陵川縣界二百十里

衛輝府志

圖

衛輝府城圖




東關

營房

南關

通水門




衛輝府四境圖

衛輝府志

圖

三





關

衛輝府志

府衙圖

圖

四




衛輝府志

圖

五

汲縣衙圖



堂

門

堂

堂

堂

堂

堂

堂

堂

堂

堂

刑所

經書

牌坊

西馬道

賓館

公署

申明亭

化

糧所

住宅

住宅

官

堂

堂

吏

衙

衙

旌善亭





衛輝府志

圖

六

倉縣





衛輝府志

縣學圖

圖

七




倫堂

人殿

聖門

門



衛輝府志


蘇門山百泉圖

圖

百泉貢院

八


資福宮



衛輝府志

圖

九



殷大師比干墓在汲縣北十五里周武王封比干墓即此也墓前有銅盤銘十六字又有殷比干墓四字相傳為先聖孔子手書



銅

盤

銘

圖

衛輝府志

圖

左

𠄎

後

𠄎

萬

𠄎

茲

𠄎

林

𠄎

岡

𠄎

世

𠄎

焉

𠄎

右

𠄎

前

𠄎

之

𠄎

是

𠄎

泉

𠄎

道

𠄎

寧

𠄎

寶

𠄎

在

衛輝府志卷之一

地里志

郡邑沿革

有表地依舊明一統志官制河南通志俱以汝昨新獲淇輝為序餘做此

衛輝府禹貢冀州之域即古朝歌地殷紂所都殷武

紂居之周武王克殷公其地北為邯南為鄘東為衛

以封康叔為衛君居河淇之間春秋時邶鄘皆入之

後狄滅衛戴公東徙汲河野處漕邑文公又徙居楚

丘至成侯屬三晉春秋時胙凡二國分治其境戰國

屬魏秦屬河東郡之界境舊志云秦為東郡三川之地漢為汲縣

衛輝府志

卷一

三百四十七

地屬河內郡而以司隸部治之東漢仍舊三國魏置

朝歌郡改領於冀州刺史晉泰始二年置汲郡後魏

徙汲郡治於枋頭城東魏興和二年置義州後周改

衛州隋大業初復置汲郡唐武德元年仍改義州貞

觀元年改衛州天德初又為汲郡乾元初復為衛州

屬河北道五代及宋皆因之靖康後淪於金置衛州

河平軍節度以河內西路都總管領之徙治胙城元

改衛輝路總管府遂治汲縣去胙城名但名汲縣迨

至明洪武元年改置衛輝府領縣六曰汲曰胙城曰新

鄉曰獲嘉曰淇曰輝隸河南布政司分隸河北道調  
懷慶衛前千戶所守禦焉

衛輝府沿革表 曰衛者其近畿域屏衛  
王室之義輝義具輝縣

總部

郡直隸  
州附

州縣

唐虞夏商冀州 殷紂為  
畿內地

周 邶衛胙凡

春秋 衛胙凡

戰國 魏

秦 河東郡東境

衛輝府志 卷一

漢 司隸部 河內郡 汲獲嘉共朝歌

東漢 兖州部 東郡 南燕

司隸部 河內郡 汲獲嘉共朝歌

兖州部 東郡 燕縣

三國魏 冀州部 河內郡 朝歌

朝歌郡 汲 共

晉 冀州部 汲郡 初置 汲朝歌共獲嘉

南宋 司州部 河內郡 朝歌

後魏 司州部 汲郡 汲朝歌獲嘉

林慮郡

臨淇 共

東郡

東燕

後周 冀州部

衛州

伍城

隋 冀州部

汲郡

衛 汲

河內郡

獲嘉新鄉共城

魏郡

臨淇

兗州部

東郡

胙城

唐 河北道

衛州汲郡

汲衛共城新鄉

懷州河內郡

獲嘉

衛輝府志 卷之一

三

河南道

滑州靈昌郡

胙城

宋 河北路

衛州

汲新鄉獲嘉共城

濬州

衛

京西北路

滑州

胙城

金 河北西路

衛州河平軍

汲新鄉蘇門獲嘉蒺

濬州

衛

元 燕南河北道衛輝路總官府汲新鄉獲嘉胙城

輝州

淇州

明 河南布政使司衛輝府

汲胙城新鄉獲嘉輝



國朝因之

汲縣附廓本殷牧野地周為鄘後并以封衛戰國屬魏秦為河東郡地漢始置汲縣隸河內郡東漢因之曹魏屬朝歌郡晉泰始二年置汲郡治此南北朝後魏因之北齊改置伍城郡後周廢為伍城縣屬衛州隋開皇六年復改為汲縣屬汲郡唐武德元年以汲及新鄉之地置義州四年復置縣屬衛州汲郡五代及宋皆屬衛州金屬衛州河平軍元屬衛輝路明屬

衛輝府

衛輝府志

卷一

四

三百

胙城縣古南燕國

黃帝之後姞姓伯爵舜所封伯

周

為胙國周公別子封胙伯即其地

在蔣邢茅胙祭

戰

國屬魏秦屬東郡漢始置南燕縣屬東郡東漢改縣

曰燕仍舊屬三國屬魏東晉慕容德據之號東燕縣

後魏仍為縣屬河東郡後周因之北齊復省酸棗入

焉隋開皇十八年始改為胙城縣屬滑州唐武德二

年改置胙州及析置南燕縣四年州廢復改南燕曰

胙城屬滑州靈昌郡五代及宋因之熙寧間圯於河

徙縣治於西三十五里華車店

綱治今

金正大開復遭

河患又徙西南二十里宜村渡改縣為新州元初為風沙所沒泰定甲子仍徙治於華里店改州為胙城縣屬衛輝路明仍元名洪武十年省入汲縣十四年屬置縣屬衛輝府

國朝因之

新鄉縣周鄘國地後併以封魏戰國屬魏秦為三川郡地漢為汲縣新中鄉武帝元鼎六年以鄉置獲嘉縣屬河內郡後漢因之三國屬曹魏隸朝歌郡晉屬汲郡後周以獲嘉置修武郡并改獲嘉為修武以附

衛輝府志

卷之一

五

郭隋開皇初郡廢始以古新樂城置新鄉縣割汲獲嘉二縣地隸焉屬河內郡唐武德元年以縣置義州四年州廢以縣隸殷州貞觀元年廢殷州改隸衛州汲郡五代皆因之宋熙寧六年縣廢為鎮入汲縣元祐二年復置縣隸衛州金屬衛州河平軍元屬衛輝路明仍為新鄉縣屬衛輝府

國朝因之

獲嘉縣殷寧邑地周為鄘國地後并以封衛春秋時屬晉戰國屬魏間屬韓後復屬衛秦為三川郡地漢

爲汲縣之新中鄉武帝元鼎六年幸緱氏至汲時  
越初平將軍路博德獲粵相呂嘉遣使獻其首於行  
在帝喜以是鄉立縣因名獲嘉屬河內郡東漢因之  
三國屬魏晉屬汲郡永嘉後沒於劉聰石勒後魏屬  
懷州東魏置西修武郡高齊移舊獲嘉治於共城後  
周置修武郡隋開皇初郡廢復置獲嘉屬河內郡十  
六年置殷州大業初州廢唐武德四年以獲嘉等五  
縣地復置殷州又置博望縣隸焉貞觀元年州廢以  
縣屬懷州河內郡五代皆因之宋天聖四年改屬衛  
衛輝府志

卷一

六

三百四十五

州金因之屬衛州河平軍元屬衛軍各明仍爲獲嘉  
縣洪武十年省入新鄉十四年復置縣屬衛輝府  
國朝因之

淇縣古朝歌地殷紂所都周爲妹邦武王克殷分紂  
城朝歌以東爲衛封康叔而朝歌屬焉春秋時屬晉  
戰國屬魏秦滅魏屬三川郡地漢始置朝歌縣屬河  
內郡東漢因之三國魏置朝歌郡而以縣隸焉晉改  
屬汲郡南壯朝劉宋仍屬河內郡後魏廢東魏復置  
又析置臨淇縣屬林慮郡隋廢朝歌改臨淇縣屬魏

郡唐貞觀十七年省臨淇入衛縣長安三年復置神龍元年又省五代因之宋熙寧六年廢衛縣為鎮入黎陽縣元祐中復為衛縣屬濬州金仍舊元至正三年改置淇州并置淇縣尋罷屬衛輝路明洪武二年復改淇州為淇縣屬衛輝府

國朝因之

輝縣周初為鄘地後并封於衛至僖侯世子采其地卒謚曰共因稱共伯國後仍入于衛春秋時至成侯屬三晉戰國時屬魏秦屬三川郡漢置共縣隸河內郡東漢因之三國魏改隸朝歌郡晉屬汲郡南北朝衛輝府志

卷一

七

東魏屬林慮郡北齊屬義州後周屬衛州隋開皇十六年改共城縣屬河內郡唐武德元年以縣置共州并析置凡城縣四年州廢省凡城入共城縣隸殷州六年又省博望縣入馬貞觀元年廢殷州復隸衛州汲郡五代梁仍隸河內郡唐晉漢周皆因之宋改隸衛州金世宗大定二年避太子允恭諱改為河平縣章宗明昌三年改為蘇門縣俱隸衛州河平軍宣宗貞祐三年陞為輝州元仍金名明洪武初改州為縣屬衛輝府國朝因之


星野


按室壁在亥為衛之分野星家諸說紛紛各殊而大都皆不出此豈天道之遠亦難言乎哉今綜羣籍列圖於前復述各志以次於後而古今區域之因革六家星譜之異同凡可以備考而析疑者並繫之俾觀者有稽焉又按蘇軾志地里作分星總圖山河兩戒圖許洞虎鈐經分十二次圖左列星漢右列山河郡縣配之今取分野之在衛者為圖列於左

衛輝府志

卷一

室壁衛分之圖





衛輝府志

卷一

九

一百一十一

黃帝分星次自危十七度至奎四度曰豕韋之次一名娵訾於辰在亥謂之大淵獻於律爲太簇斗建在寅今衛分野

史記衛地營室東壁之分壘今之東郡及魏郡之黎陽河內之野玉朝歌

漢書地理志營室東壁一衛分野○後漢書自危十度至壁八度謂豕韋之次立春驚蟄居之衛之分野

星經室壁星曰陬訾宮曰雙魚辰曰亥州曰并爲衛分

晉天文志娵訾爲衛之分野屬并州容齋洪氏曰十一國分野上屬

二十八宿其甚不可曉者莫如晉天文志謂自危至奎爲娵訾於辰在亥衛之分野也屬并州且衛本受

封於河內商墟後徙楚丘河內乃冀州所部漢屬司隸其他邑皆在東郡屬兗州與并州了不相干而并

州之下所列郡名乃安定天水隴西酒泉張掖諸郡自繫涼州耳謬亂如此豈非蔽於天而不知地乎

隋地理志冀州古堯之地舜分州爲十二冀州析置

幽并其於天文自胃七度至畢十一度爲大梁屬冀

州自尾十度至南斗十一度爲析木屬幽州自危十

六度至奎四度爲娵訾屬并州自柳九度至張十六

度爲鶉火屬三河則河內河東也准之星次本皆冀

衛輝府志 卷一 十一

州之域

唐天文志營室東壁娵訾也初危十三度餘二千九

百二十六杪一太中營室十二度終奎一度自王屋

太行而東得漢河內至北紀之東隅北負漳鄴又自

河濟之交涉滎波瀆濟水而東得古邶鄘衛凡輝縣地

昨邶河內地雍修武地共輝縣地微衛地南燕昨城地之國自閭

道王良至東壁在豕韋爲上流當河內及漳鄴之南

得山河之會爲離宮又循河濟而東接玄枵爲營室

之分

唐天文志自南正建於西正得雲漢升氣爲山河上  
流自北正達於東正得雲漢降氣爲山河下流陬訾  
在雲漢升降中居不行正位故其分野當中州河濟  
間衛蓋當兩成山河之會且王良閣道由紫垣絕漢  
抵營室上帝離宮也內接成周河內皆豕韋分  
唐地理志河北道並古幽冀二州之境孟懷澶衛及  
魏博相之南境爲加訾分

文獻通考曰營室東壁衛分壘兼得魏宋齊趙之交  
又曰天官昴畢趙分野兼得魏衛之交

衛輝府志

卷一

七

三百十一

明一統志衛輝府天文室壁分野

明清類分野書云澶懷衛相皆衛分也天文星指

室壁衛輝府懷慶府彰德府大名府

室宿二星十七度

其屬爲離宮爲土公市爲騰蛇爲雷電爲壘壁陣爲  
羽林軍爲鈇鉞爲壯汝門爲天綱爲八魁

壁二星九度弱其屬爲雲雨爲霹靂爲天廐爲鈇鑕  
爲土公

六家分星異同之譜



班固漢志陳卓魏史費直說周易蔡邕月令章句皇甫謐帝王世紀一行唐志

天文室壁自危十六度

并州 至奎四度

地理衛地 辰在亥衛

室壁之分 分并州

起危十度 自危十七度 初危十三度

至奎四度 中室十二度

立春驚蟄衛分 終奎一度

啟訾

占驗附室亦謂之營室甘氏云為太廟天子之宮也

石氏謂之玄宮一曰清廟又為軍糧之府及土功事

星明國昌小不明祠祀鬼神不享國多疾疫動則有

土功兵出野○壁亦謂之東壁下九尺為天之中道

衛輝府志

卷一

十一

三百五十三

主文章天下圖書之秘府也亦主土功明則圖書集

道術行小人退君子進星失色大小不同天子重武

臣賤文士圖書隱親黨回邪用星動則有土功離徙

就聚為田宅事

備遺附晉天文志河東入張一度衛在秦時屬河東郡河內入

張九度衛在漢時屬河內郡東郡入角一度胙城在漢魏稱燕南燕東燕俱隸東

郡魏郡入昴一度隋天文志魏郡入昴六度淇縣在隋稱臨

淇屬魏郡保章氏史記班史俱云昴畢冀州爾雅云昴畢

胃冀州衛在禹首屬冀州

疆域

衛輝府

東西廣二百八十五里  
南北袤一百一十里

在省城西北一百六

十里自府治至京師一千四百里至江寧一千五

百里

東至直隸大名府滑縣界五十里

南至開封府延津縣界四十里

西至山西澤州陵川縣界一百二十里

北至彰德府湯陰縣界七十里

汲縣

東西廣八十五里  
南北袤八十里

附廓

衛輝府志

卷一

十三

三

東至滑縣界五十里

南至延津縣界四十里

西至輝縣界三十五里

北至淇縣界三十里

胙城縣

東西廣六十五里  
南北袤四十五里

在府治東南三十五里

東至滑縣界四十里

南至延津縣界十五里

西至汲縣界二十里

北至濬縣界三十里

新鄉縣東西廣五十里南北袤七十里在府治西南五十里

東至汲縣界二十里

南至陽武縣界五十里

西至獲嘉縣界二十五里

北至輝縣界二十里

獲嘉縣東西廣四十五里南北袤七十里在府治西南九十里

東至新鄉縣界二十里

南至原武縣界五十里

西至修武縣界二十五里

衛輝府志 卷一 十四

北至輝縣界二十里

淇縣東西廣三十里南北袤七十里在府治北五十里

東至濬縣界一十五里

南至汲縣界一十五里

西至輝縣界三十里

北至湯陰縣界四十里

輝縣東西廣九十里南北袤一百一十里在府治西六十里

東至汲縣界二十里

南至新鄉縣界二十里

西至陵川縣界四十五里

北至林縣界九十里

### 形勝

衛輝府左孟門右太行大河經其南常山跨其北史記

南濱大河西壓上黨宋地志泉源在左淇水在右詩衛風

峯巖奇峻泉甘水溫元史左右山河古稱重鎮文獻通考北

通燕趙南走京洛河山之間一都會也元王禕記朝貢連

絡舟車交集舊志東接齊魯西控三晉南襟汴洛北拱

京畿眾水匯流環帶城隅群山列屏通道八省兩河

衛輝府志 卷一 十五 三頁

之要地中土之名區也續志

汲縣附廓

胙城縣沁黃遠帶淇衛交臨河南通志東連廣野西漲平

沙南接廩延北臨衛水舊志

新鄉縣面黃河之流搏五陵之勝河南通志左衛河右孟

津太行峙其北黃河經其南舊志

獲嘉縣北峙同盟西環清水河南通志南帶大河北峙太

行舊志

淇縣青巖表僊境之勝浮山夾幽澗之奇河南通志肘山

腋水地形  
爽嶺舊志

輝縣山水明秀風土清潤為名勝之所萃實中州佳

巖之地元記當蘇門之盤鬱匯百泉之縈流河南通志行山

跨其壯衛水經其南續志地形高阜泉源觀深為衛地

之勝槩學記

山川

汲縣霖落山在縣西北三十五里近郡諸山獨此最稱幽勝重巒疊嶺鬼特千狀古木奇石

森立四圍中有香泉寺元寧士王憚記州西北四十

里有山曰霖落寺曰香泉者初自寺庄入山門約行

六七里峰回路轉得古浮圖亭亭出杳靄間青嶂回

抱真畫圖也望東北諸峯頂摩蒼穹足注絕壑山之

衛輝府志 卷一 十一

極萬石林立極大湖奇特之狀半空磊落勢若飛來

蒼梧老栢儼視上下雲烟空翠顧接不暇即霖落山

行百餘步徑漸峽束石攀確不能騎青鞋竹杖推

以進還自絕澗底陟西磴道入寺殿廢基枕巔崖

東西二佛龕歲月崢嶸皆開元間物也南瞰哀壑

魂為動王子與客循東崖而下抵霖落足仰看青

斗絕如削今謂之捨身崖者是也少憩轉而升東

石磴攀蘿躡鱗度滴乳古巖再折而抵華嚴壁下

磨崖為之作隸書刻華嚴部特精緻可觀字約萬

木客誕誇時出光怪中鑿石龕古佛護以龍象其

泉自經洞石罅中流出穿雲雷石復從乳巖半腹

瀉作瀑布飛濺叢石間珠跳石迸百折山藉以

寺仰以清也西崖對峙老松怪石出柵樹間蹲踞

拳眾獸相搏望之愕然而恐野人指予而告曰此

于崑也其西北一峯天成如臺石逕作梯盤屈而

若雌霓相掛連卷未收即寺之眺月臺也寺故址

中相傳昔魏安王起雪宮于此故宋人石刻皆引

離宮故事有崎嶇一逕入禪扉魏主離宮在翠微

之詩盛時殿閣極侈今祇留一殿巋然獨存所恨  
薄暮不獲陟連雲絕頂放曠遠目以盡諸山之勝令  
人仰視飄然有整翻凌雲之志既而林風振盪寒日  
下山蒼然暮色自遠而至傳以鳴兒叫凜然不可留遂  
自南山半腰歷俯浴岸盤馬隘轡而還回顧寺塔與  
烟四合無復所見但覺西風爽氣清潤雄秀溢我心  
日襟袂以之淋漓詩脾為一精壯也夫游覽細事也  
功名之士有所不取然謝詩之放情丘壑羊公之興  
懷無愧首二賢者其功業豈下於人哉要之高入勝士  
不無瀟灑出塵之想闌闌塵俗觸眼可惡時於山川  
風塵勝處囊橐而往困載而歸俾廓落之懷心凝形  
釋與萬化冥合然後知吾同之未始遊焉如何若曰  
功名烜赫如二月公而後可憇高天厚地須富貴何特  
耶癸亥冬十二月望日記一土憚詩東山削出翠芙蓉  
西壑硤研貯雪風人說魏工壇山在縣西北四里  
曾避暑殿基猶是舊離宮

衛輝府志

卷一

十七

六百十一

山一名仙山在縣西北二十里皆黃色因名  
里山彪村上有葛仙祠苦山在縣西北四十里  
峽山一名蒼山在縣西北四十里山產蒼朮石峽口  
有黑龍潭深不可測上建龍神廟禱雨多應王  
俱恍忽至今功利及斯民又九龍分部中天兩何處  
癡蟠睡不聞一勾鳳凰臺興山在府西二十里山  
下水有時風雨洗天來

相傳古修長城初興工華蓋山在府北四十里相傳  
處今有遺址古碑尚存  
爐頭山在蒼峪山內有鐵似生形相遺棋盤山在蒼峪  
傳曾有羣仙奕棋於黃土岡在府城西北十里迤邐  
上有枰跡宛然尚存

名塔兒岡在蒼峪山內上有二合相傳昔龍化巖在  
於此內洪武間有龍化獅子巖在霖落山內山石繫  
獅相搏衛河在縣西源山輝縣龍門山南經新鄉東  
因名

因名衛河在縣西源山輝縣龍門山南經新鄉東  
於此內洪武間有龍化獅子巖在霖落山內山石繫  
獅相搏衛河在縣西源山輝縣龍門山南經新鄉東  
因名

津入蒼水源出縣北一百里管家井東南流經蒼峪

水王惲詩萬山忽斷兩崖開中有蒼河自香泉在霧

北來行出山門俱不見玉龍翻作地中雷

石隙中流出穿雲溜石噴水灑雪飛濺巖畔瀉作瀑

布狀山與寺皆藉以增勝焉王惲詩滴乳巖前掛瀑

流青林飛洒動高秋王龍躍太公泉在縣西北二十

入青冥去堆疊蒼烟萬壑愁

伏流入地在太公廟東按水經汲故城北三十里有

太公泉太公故居也因名王惲詩紫紆一水蟠深澗

野叟何知說太公壇下古碑甘泉在府學大成殿東

堪晤語大書深刻太康中

泉甘冽汲太乙泉在縣正東萬壽宮內昔蕭抱真居

者多資之

廢井遮馬陂在縣西南十三里相傳後清水河源出

店東兩源合派南流

浸灌稻田土民賴之

伏水區在縣北二十里其水下

衛輝府志 卷一 十八 六百五十三

民資灌稻內軍募化潭在縣正東三十五里漫衍十

地多故一云屯

可測水旱不加盈縮中產魚頗饒舊為邑人減白龍

氏別業歲饑以魚給人人慕其惠化之因名

潭在蒼峪山內其山白石巉巖黑龍潭亦在蒼峪山

巨測上綠水潭在縣西北八十里雪白庄絕窟潭在

有廟在縣西南水色常綠冬夏不涸

西北五十里四面山壁危

削其水深黑不可測因名塹花泉在縣西北五十里

中流出土人聯泉井在縣東北三十里板橋村一井

取汲資之

舊傳為古聖水池在縣北固社上有漢張

雙墓云

胙城縣白龍潭在縣治黑龍潭在縣治東南三里舊

可測歲旱禱雨輒應今廢劉咸詩秋暮閑經胙伯亭

感今懷古不勝情晉人建國空遺廟元將屯兵尚有

營班棗封墟嗟寂寞黑龍潭水喜澄清  
黃河已去千餘載猶有沙堤遠故城

新鄉縣寺兒山在縣東北三十里五陵岡在縣北三十里

有五蓋太行餘脉之所結也劉咸詩西望新鄉見五陵山形迢遞鎮臨清絡絲潭碧曉濤淨渡柳人閑春

草生裴令發奸牛獄决邵公病沙石橋茹家岡在縣橫因尋古跡慰行役重上漢家馮石城

里相傳乃太公鷹揚黃河舊自縣西南數留村入之所上有太公廟存境今經陽武過汴東流沁

河在縣西南武陟縣入黃河嘉靖二十三年河决入衛滄沒田舍民畜甚衆下至大名曹縣咸被衝沒

絡絲潭在縣西衛河在縣北門外城下河

獲嘉縣同盟山在縣東北五里舊傳武王伐紂與諸侯同盟於此劉咸詩吳澤三橋石作

關小河清水響潺潺七賢曠遠皆無迹諸國同盟尚有山黑麓廟荒坡草碧丹陽菴廢石苔班翻思漢武

衛輝府志

卷一

獲嘉日烈烈清水河在縣北十五里源出輝縣西南英風不可攀七十里山陽鎮東南流經本縣

北境分爲二派一東流入輝縣河合村與衛河合流一西入三橋陂接太白陂復逆流東入清水名泥河

小清河在縣北十五里源出太沁河在縣南四十里行山麓東流入衛河沁河源出沁州綿山

穿太行達濟源自武陟縣小蕃村流經本縣界東南接新鄉縣界流至開封府境入黃河段岩河

在縣南二十五里大白陂一名吳澤陂即今三橋陂兩則流旱則涸在縣西北十五里自修武

縣入境下流入清水河左龍潭在縣城東南一里許傳魏獻子田大陸即此也深淵澄徹旱而不涸

世傳有龍蟄其間

淇縣青岩山在縣西北十里崇山列嶂若壑清邃宛若畫圖上有景龍觀東南有水簾洞昔

唐甄濟朝陽山在縣西十五里山勢雄秀林壑幽美佳勝與青岩相埒云靈山在縣



西北二十里有黑龍泉上建龍神廟早禱即應因名其地有四井又有千佛洞隋開皇四年榮陽鄭元伯

鑄石造佛像八萬浮山在縣北三十里山勢聳峭高出雲表金牛嶺在

西一十新脛河源出縣西北五里東南流入衛河昔

和泉又淇水源出林縣西南七十五里闊五步深可

名陽河淇水二尺東南流入衛河水經注曰淇水出

河內林慮縣西大號沮如山海經曰淇水魚兒泉在縣

出沮如山疑大號沮如山異名云

三十六里舊傳有人水簾洞在青岩山東南層崖上寬

蓄魚於中因名

中出泉澄瑩可鑒王暉詩秋雲不捲水晶寒芝草年

深濕未乾翠壁懸冰鳴劍珮宋絲穿露織琅玕夕陽

倒影鮫綃薄春雨添沅瀑布寬我

欲尋真問丹訣憑誰傳簡借青鸞

輝縣蘇門山在縣西北七里一名蘇嶺一名百門山

即太行之支山也山下即百泉晉孫登

隱此有嘯臺宋邵康節卜居存安樂窩許衡詩大山

如蹲龍小山如踞虎烟嵐鬱蒼翠遠近互吞吐我來

蘇門居越遊成樂土策杖望朝雲捲簾看暮雨佳意

豁塵腥勝緊入談塵使我辭陶消使我勞瘵愈生平

鄙吝心一洗出千古回首聲利人何殊坐因園遠後

非素懷况有跋波苦吟鞭裊東風遲遲如去魯芳菲

衛輝府志

卷一

因地位名然實皆太行也為中州巨鎮于謙詩信馬

行行過太行一川野色共蒼茫雲共山在縣東北九

蒸雨氣千峯暗樹帶溪聲五月涼共山在縣東北九

共伯嘗居于此劉成詩屹立共山臺接臺蘇門煙景

亦奇哉金沙雨霽明如練玉柱雲深翠作堆康節行

亭上開遊處遍閱羣題憶俊才九山在縣北十里

視羣山巔有佛剎邑人每以九日登臨於此故名一

更有山嶺憑桃竹杖步入斗牛間下瞰銷魂方山在

碎窮探得句怪茲遊信奇絕日暮欲忘還蘇門一樽酒

山東山形方正其上平坦可居故名邑今蘇門一樽酒

山千古翠屏新相對蘇門五度春今日蘇門一樽酒

方山為主滑山在縣東北十里白佛山在縣東北十五

我為賓滑山在縣東北十里白佛山在縣東北十五

白石佛黑麓山在縣東北五十里瘦驢嶺東有祠在

故名黑麓山之陂兩崖壁立直通霄漢嶺中細

溜穿石清冷可愛卉白鹿山在縣西北五十里長泉

木垂蔭盛夏無暑氣水出於此山有石似鹿

形故鹿臺山在縣西北三十里昔鰲來山在縣西北

石門山在縣西北五十里石壁如門其上有三仙潭

里至石門山曰石門者兩山壁立相距其鐫如門也

石門之下有三潭焉方廣踰二十畝淵深不可測水

皆黛色能興雲雨蓋蛟龍之所宮也首潭二潭咸在

山上有水無魚而三潭者獨在下中有神魚千百頭

衛輝府志卷一

觀者弗敢侮或以石子瓦礫投其中風雷雨雹隨作

故入皆敬憚之因憶歐陽公為西京留守日嘗與推

官梅聖俞登嵩頂至武后封禪處見有石記戒人遊

龍潭者勿妄語笑以責神龍怒則有雷與此正同

也余立三潭上命從者縱金伐鼓羣魚咸出浮水面

大者長丈餘小者尺許俱黃金色乃戲拋餅餌潭中

羣魚爭鼓鬣仰吞往來翕忽倏爾沉逝甚可樂也三

潭之上有三龕古列仙所居語曰上有三龕下有二

潭而三仙廟乃在山之深奧處塑像三女仙道冠霞

帔土人以爲雨神歲時有司致祭禱雨輒應石門之

東有峯曰挂鏡臺相傳雲蔽挂鏡臺必大雨李子曰

余遊石門潭窈林絕澗曠寥聞寂又值西日下崦嵫

景色稍愴不能久留也乃促從者回轅趨其城李夢

陽詩明星欲落開縣城千峯萬峯初雪晴源泉亂石

涓涓溢削壁孤雲裊裊生估客深穿猛虎窟樵夫習

傍翠巖行仙門屹立三潭水至鯉空懸一線情又太

行玉屋是天關吐出風雲天地間河玉柱峯在縣北

內休誇盤谷勝共城亦有石門山

玉柱峯在縣北

玉柱峯在縣北

玉柱峯在縣北

玉柱峯在縣北

玉柱峯在縣北

玉柱峯在縣北

峯如柱屹立高三丈許圍五尺許曹安詩「青山雙入

有石柱直插浮雲杪月明鶴飛來渾疑舊華表

峯二在縣西北一百里太行山嶺道人峯在縣西六十

修鍊得道瘦驢嶺在縣西北三十里山石駝峯嶺在

仙去遂名瘦驢嶺在縣西北三十里山石駝峯嶺在

西七十里山嶺自西而來東峯突華巖嶺在縣西北

起宛類駝形上建佛刹幽險嘉勝華巖嶺在縣西北

百門泉源出蘇門山下泉通百道故名詩曰彼彼泉

發源於此其河即衛河泉上有威惠王祠元學士王

磐詩半空風雨山頭樹十頃玻璃水底天孤客南來

無着處相宜只有百門泉李夢陽詩東髮懷幽奇覽

籍莫有遇來登百門泉果協佳勝趣恣恣圓波湧雷

霽浮陽聚止坎亭泓冽激石迅湍注昔聞滄浪濯今

鮮川上喻豈惟傷衛歌兼以發蒙慮况值春序中羣

物已改故菰蒲冒清深鱗介各有慕行羨浴渚鳥靜

對棲雲鷺巖霏空潭影林靄變朝暮極目壯上軌朝

衛輝府志卷一

宗感遊寓又發鞍憇林木杖策陟陘岷巖連嶺參錯

行窩更幽緬慨念昔時人瞻望淚已滋薜荔夕搖曳

事邁迹空顯獨采石潤秀眷此何由展逝鶴無蓮花

泉在縣西南五里突出平壤細泉叢錯僅如蠡目翻

此東南卓水泉在縣西八里平地湧泉縈紆數畝林

入衛河卓水泉在縣西八里平地湧泉縈紆數畝林

有紫微觀許衡詩水有清聲竹有風我來端欲豁塵

蒙明朝杖履西城路長望家山翠靄中玉暉詩鏡中

流水畫中山酒盡銀瓶興未闌碧萬泉在卓水西二

玉沼深人不見柳花飛度翠琅玕萬泉在卓水西二

平地不可勝數因名萬泉環遶感膺沸清絕可愛金時

道派揚太玄建太清宮於中央樹以竹木至元大德

間益為丁公泉在縣西五里東七賢泉在縣西南

勝地

勝地

勝地

勝地

勝地

勝地

勝地

勝地

勝地

勝地

勝地

勝地

陽社一名重泉泉湧平地澄鮮如練竹木叢藹景色幽勝卽晉七賢棲隱之地東南流經獲嘉縣入三橋

皮金沙泉銀沙泉湧左沙黃色右沙白色二水交匯於池潏然奔流焦泉數十里東南入衛河寶泉在縣

十里風門山下二渡河在縣西四里百泉之峪河在自石竇中出

西南五十里源發太行山麓清水在縣西南七十里南流經新鄉縣界入衛河

獲嘉縣界三仙潭在縣西北源出石黑龍潭白龍潭入衛河

二文潭三潭相去不遠俱在鴨子口西南兩山洪崖潭名曰黑龍水色黛碧齋淪莫測怪石嵯呀激蕩有聲又稍西奔注巨壑懸流直下踰百丈許復爲巨潭名曰白龍飛練灑雪恍似玉龍倒掛崖壁間嚕啾鎗鎗響振巖谷之南流四五里至峪河口鍾一小潭名

衛輝府志 卷一 二十三

二女世傳有二女浣衣潭上忽見神龍出浮頂使烟霧晦冥女皆墜潭沉沒遂祀以爲神云黑藤潭在黑藤山澗中淵深無極好事者嘗以絲垂探之蓋數百丈未已亦名絡絲潭建祠於上禱雨輒應

汲縣牧野在縣南陵西社片武王伐紂陳師牧野卽

野之邑蒙宇邱城在府城東北一百里周武王克

卽紂子武庚所封之地

邶水名在滑縣因名

邶城在府城東北十里武

以管叔尹之卽其地路

衛故城在府城東北六十

謂之衛以封康叔後并

卽其建國處

延津城在府城南左傳

禁渡河守延津卽此

存太公臺在府城南陵西社相傳武王築望火臺在

土岡西紂與武王交太公舊居在府城西二十五

夜於此望火因名太公舊居里舊有廟今廢有晉

及令盧無忌碑殘斷川道傍萬曆十二年知府周思

宸載置府治賓館一碑在府城南關八蜡廟即汲郡

太守魏子容文今移置於西門太公廟太公望表晉

武帝太康十年三月丙寅朔十九日甲申盧無忌依

舊脩造○齊太公呂望者此縣人也遭秦燔書史失

其籍至大晉受命吳會既平四海一統太康二年縣

之西偏有盜發塚而得竹策之書書藏之季當秦坑

儒之前八十六歲其周志曰文王夢天帝服玄襪以

立於令狐之津帝曰昌賜汝望文王再拜稽首太公

後文王見太公而謂之曰而名爲望乎荅曰唯爲望

吾如有所於見汝太公言其年與其日且盡道其言

臣此以得見也文王曰有之有之遂與之歸以爲卿

士其紀年曰康王六年齊太公望卒參考年數蓋壽

百一十餘歲先秦滅學而藏於丘墓天下平泰而發

其潛書書之所出正在斯邑豈皇天所以章明先哲

著其名號光於百代垂示無窮者乎於是太公之裔

孫范陽盧無忌自太子洗馬來爲汲令璠嘆之下舊

有壇場而今墮廢荒而不治乃諮之碩儒訪諸朝吏

僉以爲太公功施於民以勞定國國之典祀所宜不

替且其山也能興雲雨財用所出遂脩復舊祀言名

計借鐫石勒表以彰顯烈俾萬載之後有所稱述○

太公姓呂名望號曰尚父尚氏之興元出姜氏公望

以輔翼流詠于平以確素致謔邠金擢曆冠蓋鱗次

典午統宇軒冕波厲或秉文入朝或用武出討徯默

交映勳庸相趨大魏東苞碣石西跨流沙南極班超

之柱北窮寶憲之誌高祖孝文皇帝龍飛代梃鳳翔

嵩邑澄清人士品藻第望尚氏合守還凡禮擢九等

舊制不失彛序方知賢聖之門道風必復功爵之後

學識還昌太公胤孫尚詔及尚天寶尚世傑尚子牧

尚子休尚方顯尚景恪尚遵明尚裴香尚顯敬尚迴

尚叔樂尚廣尚崇等衆業儂洽文義淹潤慨尚屬

忌置碑僻據山阜崔暖刻石不枕康衢遂率親黨更  
營碑祠以博望之亭形勝之川西臨滄谷東帶泲川  
周秦故道燕趙舊路備官鑄石以當平顯庶使文範  
之艱不獨百城有道之美詎假千石凡斯盛事理切  
含蒙余以虛薄再忝郡任民情和款見託為文率爾  
彈翰棄辭收理其詞粵迨迨品徹蔚蔚姜枝積德不  
已繼踵方義發將名執紼遂旨披託夢異鹿即豕非  
巽功著牧野迹自幽岐既仲惟帷仍秉鈺麾佐命周  
室開邑齊土北控趙燕南臨鄒魯一匡九合懸車束  
馬位極三事勲高萬古葬切肯溫魂悲漢祖忻哉尚  
聖遺魂可怙言跡故鄉降神巫呪似厝泆水築室望  
岫庭栽異木井依餘甃香醴竟奉歌鍾迭奏風雨節  
宣華夷用富恩被系子慶傳曾胄○通直散騎常侍  
聘梁使平東將軍中書侍郎但州大中正脩左史汲  
颺太守穆子客山行之文大魏武定鳳凰臺在府城  
八季四月庚辰朔十二日辛卯建造鳳凰臺北五十  
里清水河南岸又蒼山中亦有  
此臺舊有鳳凰集其上因名  
衛靈公避暑洞在府城東

衛輝府志

卷一

三五

卷九十九

四十里淇門鎮全真觀內相傳有人擊磬處在府城  
開發其洞深宵風出不可近因閉之擊磬處外南關

相傳為孔夫子擊磬處舊有碑石圯君子村在府城  
廢萬曆十五年知府周思宸重立

十里蘧伯王昔鐵丘在縣境內春秋衛太子登鐵丘  
居於此因名鐵丘即此一統志云在開州北五里

左傳蘧與鄭戰蒯躄登鐵丘銅關晉書地理志云汲  
望之至今云此丘曰鐵丘銅關有銅關今未詳其

處汲塚在縣西二十里魏安釐王所葬晉太康二年  
書王暉詩灞迤伍城郡背水猶陣圖魏陵廢已久磅

礪如覆孟草樹慘不春穿穴狐狸墟我來登其巔懷  
古心躡躅憶當戰國際安釐亦狂且澤糜被臯比坐

為秦人驅敗亡自此始保邦何乃跡不知身後藏安  
用書十車上窺妙與商卜逮茲周書零亂竹簡光詭

說何紛挐征南辨已詳多出行怪徒稽古不適正死  
焉毛穎証其中亟當辨阿衡被夷誅孔子脩六經亦

已防姦汚大書一德后薨葬開庭都任易最奇法安

取理所無茲馬萬世程洋洋真聖謨何煩事奉王臺

幽隴致遠泥所趨長歌望陵去梁過風平零

在府城東北三十五里五代周郭榮為屏盜碑在府

神廟內五代周郭進為衛州刺史羣盜屏跡世宗勅

杜韓序其事碑大周推誠翊戴功臣金紫光祿大夫

檢校司徒使持節衛州諸軍事衛州刺史兼御史大

夫上柱國太原縣開國男食品三百戶郭公屏盜碑

朝請大夫行右補闕在國臣杜韓奉勅撰翰林待詔

登仕郎守司農寺丞臣孫崇望奉勅書臣聞漢宣帝

知民間之事則曰共理者其在惟良二千石唐太宗

為天下之君且云刺史乃我當自擇是知雖皇王之

統馭一馭牧守以撫字失之於人得之於士有美有惡

難將一馬同歸或隆或污實類九土相遠失人則苛

政踰於猛虎得士則善吏譬之良鷹可不慎乎可不

重乎皇帝慕不圖臨萬有以授受難乎選以理治急

乎才漸行日月之輪輾成古道終扇陰陽之炭銷盡

兵鋒一日謂丞相曰衛州士庶列狀以聞述去盜之

衛輝府志 卷一 二十六 七百十九

由稱守臣之美宜乎旌其長可其奏命之刊勒振其  
輝光乃勅朝請大夫行右補闕柱國臣杜韓序而銘  
之臣虔奉絲綸憂深冰谷側詢行道或敢言揚固以  
仁者安人斯為至矣盜亦有道其可尚乎矧乃抱竒  
屈之材聳昂藏之度奮迅於平地綿亘於數州誠大  
丈夫號曰太守生聚在蒲廬之上斲回散篷竹之中  
麟經實契奔秦之事今之汾陽公其人也公名進深  
州博野人也皇帝即位三年日登而牧衛維彼商墟  
厥稱汲郡任俠自尚剛壯相公逸碧巖而藏疾成風  
橫綠波而流惡不盡公至止木幾循理而思且詢道  
求中靜於內而勸乎外正身率下儉於已而便於人  
未甯澄其沙而金之不清去其蠹而木之不茂先之  
以力制次之以德政化俗於斯何盜之有公集之地  
征輸於天府一度量權衡謹出納之聞審重輕之  
敷拔規求之本塞率割之源得不謂先去其帑廩之  
盜乎夫馬寒則毛縮魚勞則尾頰物之性也豈有異  
哉公能剗以滋彰禁之附益去浪羊之類掃碩鼠之

政得不謂先夫其杆軸之盜乎郡之與邑事乃有經  
節符令則刑煩省督責則息費得不謂先夫其簿書  
之盜乎市盈於日中貨來於天下如羊適至不韋木  
歸法前事之通商抑有司之侵利得不謂先夫其闕  
闕之盜乎公入臨事以自懲貪吏因時而變態於是  
乎卜要衝之所布敷論之文既華面以後時或洗心  
而尚晚俄乃行之逮捕正以刑章夏重植性以疑冰  
夜蛾舞空而赴火或巢推而鳥散或穴塌以兔奔雖  
多迴思願望之徒須設并容之術而乃化之勉之撫  
之安之曰爾胡不盜天時地利以耕鑿為衣食之源  
爾胡不盜毛羣介蟲以捕獵求山澤之產或剖石採  
王或披沙汰金取之不為貪得之不為竊豈可習性  
梁上偷生草中始務匿藏終貽勦絕明申後甲休拘  
趙禮之兄及滌昨非不問展禽之弟於是眾相謂曰  
嫉惡如讎公於國也視民若子私於我也聞其美言  
何以酬於布帛服其異政何以答於袴襦由是易其  
情知其禁陸梁者遷善返側者銷憂奔戟捐矛却問

衛輝府志

卷一

二十七

七百五十五

農耕之早晚帶牛佩犢咸勤稼穡之艱難前所謂靜  
乎內而勸乎外儉於已而便於人者也自然山川封  
圻鏡清里閤戴若思之長劍誰賴客舫陶上衡之駐  
車不言官柳室家相慶上下咸和爾乃復以流庸俾  
之安集醯酸而蚘至肉羶而蟻來歸樂土而長誼登  
春臺而胥悅可以寧乎孟可以名乎江山下火而各  
賁丘園雲上天而交需酒食政既成矣獎亦至矣惟  
公神襟亮拔膽度沉深開金鼓之聲平分勇爵見風  
雲之氣洞達戎機命世而生藉時而起蛟龍遇水難  
抑騰驤鵬鸞乘秋自當奮厲初刺於坊磁又遷於潛  
登衛撫察之才聲華迭遠金經百鍊轉見晶瑩樂至  
九成益聞清越載編青史已紀貞珉昔細侯赴童子  
之期源流邈爾為卿賜三公之服寵顧超然千載交  
輝美矣盛矣論者曰徵之藏用在乎翁張何變豹之  
前猛於破敵自化熊之後善於撫民垂畏愛於和門  
流忠孝於昭代闕庭稱理風俗自新莫謂周有亂臣  
翻使衛多君子皇帝下詔書以褒尚命碑頌以揄揚  
必有倣側帽之人必有効墊巾之陣其則不遠見賢



思...引而伸之則可知矣紀大常而有素藏明府以

子孫臣幸盛近班曾無遠畧悒鏤冰而見誦思墜尾

以非工謬承聖主之恩用播賢臣之美凝神握管

成科斗之書拭目披衣不稱麒麟之抗強抽愚思謹

作銘云顯德二年歲次乙卯五月戊辰朔十一日戊

黃建銘見抵詭獸名以石為之在府前古懸洞在縣

藝文志抵詭說文云此獸性忠直

廣澤王廟東其洞空曠可容千人元時堆金塚在縣

古里許元蕭真人兵后歛遺骸葬秋澗讀書處在縣

此俗呼是名元學士王暉有記

有記衛河提舉司初建後改置臨清州

昨城縣昨亭在縣東南麗固社周公南燕城在縣東

即春秋南燕國晉慕容德都於古新州城在縣西南

此號東燕城蓋再築也今廢

衛輝府志卷一

正大間所築徙縣於此更名新黃河故道自新縣

州后為風沙所沒俗呼吳起城

行與昨城縣相接至大名府濬縣大伾山北入海

禹貢導河東過洛汭至於大伾處昨之河禹之舊跡

漢文帝十二年

至酸棗又遷南燕縣

故城北是也

沁河故道

名

孟姜女河

自武陟縣

流經昨城

境

石丘

在縣東北

三里

相傳漢

帝時星

石岸

即漢堤在縣西南

金衛州河

平軍

黃飛虎洞

在縣治西相傳紂時黃飛虎所築疑即飛廉也萬戶

在縣東南宋社相傳元

末萬戶陳榮建營之所

擗木臺

在縣城西高三丈

其一云元時沐衛運木於北

其木厥中所築之基也

新鄉縣牧村

在縣東北三里

即古牧野武王伐

馮石

在縣東北三里

即古牧野武王伐

馮石

在縣東北三里

即古牧野武王伐

馮石

在縣東北三里

即古牧野武王伐

馮石

**城** 在縣西南十里故城村後獲嘉故城在縣西南一  
漢封馮石為侯築城於此獲嘉故城十二里本新

中鄉漢武得呂嘉首始置縣於此御寨在縣東北近衛河有紅土李  
岡倍傳紂血流漂杵於此

**臺寨** 在縣南三十里借傳元臨清關在縣東二十里  
總管孫公懋屯兵之處前代設置以控

扼衛河之險今廢有臨清店唐書地絡絲潭在縣南  
里志云新鄉東北有故臨清關即此

**城村** 白馬潭在縣東北三十五陵在縣北  
今廢里東庄岩社

**東鴻門** 在縣東  
十里

**獲嘉縣古殷州城** 在縣西南羊家庄社周圍三里許  
隋置殷州所築今廢有故址存

**齊州城** 在縣西南二十五里今古城在縣北崇興寺  
名齊州村即古殷州城東相傳曰縣治

也故址黃河故道在縣南四十里天順六年南徙於  
酒存原武縣界其地淤塞旧跡猶存

衛輝府志 卷一 二十九

**七賢鄉** 在縣北晉嵇康等七賢同隱於此沉酣劇飲  
以放逸為達因以名鄉嵇康酒會詩樂戲苑

中遊周覽無窮已百卉吐芳華崇基幽高峙林木紛  
交錯玄地戲魴鯉輕軒九斿羽禽織綸出鱣鮪坐中發

美讚異氣同音軌臨川獻清醑微歌發皓齒素琴揮  
雅操清聲隨風起斯會豈不樂恨無東野子酒中念

幽人守故孤終始但當梳粧臺在縣城內亂塚在縣  
休七弦寄心在知已

**淇縣殷故宮** 在縣西朝陽存朝歌邑在縣北關西社即  
山其址尚存殷旧都朝歌地漢

置縣王莽更曰雅歌劉子妹鄉在縣北即古衛邑書  
曰邑歸朝歌墨子回車

詩劇封沫之衛縣舊城在縣東二十里即康叔方頭  
鄉矣即此

**城** 在縣南八里衛河址即淇水口也魏志曹操於淇  
水口下大枋木以城堰遏淇水東入白溝以通漕

運因名枋頭晉書桓溫伐木慕曄曄將慕容岳拒溫  
大破之遂至枋頭亦此地后魏嘗徙汲郡治枋頭城

**郊臺** 在縣東北吳里社相傳為殷時郊祀之所舊鹿臺遺址也 **鹿臺** 在縣西

南陽社即商紂積財之處周書武王散鹿臺之財是也史記象賦稅以實鹿臺之錢按劉向新序紂為鹿臺

七年而成其大三里高千尺今為 **鉅橋** 在縣東北十里鹿臺寺濬縣西五十里亦有此臺

即商紂積粟處周書發鉅橋之粟是也索隱曰鉅大橋器名也紂厚賦稅故因器而大其名服虔曰鉅橋

倉名濬縣西五 **鷹犬城** 在縣東北商紂畋獵之所遺跡尚存 **北海子** 在

西北二里許紂 **酒池** 在縣西北十五里靈山社育禽獸之所 **飲馬**

**池** 在縣西朝陽山上相傳商 **朝歌寨** 在縣西南二十里紂飲馬之處遺跡尚存

傳商紂屯 **淇園** 在縣西北里河社淇水之澳園古多兵之處 **淇園** 在縣西北里河社淇水之澳園古多

策竹倚倚即此漢書武帝塞瓠子河取其園之竹荆以為健又寇恂伐淇園之竹為夫百餘萬是也 **荊**

**衛輝府志** 卷一 三十一

**軻舊居** 在縣境內軻戰國 **花臺** 在縣西靈山社朝陽時刺客嘗居於此 **花臺** 在縣西靈山社朝陽

元季兵廢 **輝縣古共城** 在今縣城外周圍十里許相傳即衛世

州故城 **共姜城** 在縣治內宅之東臺高一丈五尺即舊基 **共姜城** 在縣治內宅之東臺高一丈五尺即

州伯善建祠臺上肖像祀之或云墓在其下共姜有汎彼柏舟詩胡女嘉詩昔誦伯舟詩耿秋仰高節今

登共姜臺炎風麗霜雪嗟彼貞淋人抗志矢無缺一

黜期終身兩髦悲永訣母氏未見諒指天以自刎處

臺不辭溺處堂不辭甄水火且不辭况 **凡城** 在縣西

忍更權悅波靡桑沫鄉砥柱瞻有截 **凡城** 在縣西南二十

里周公子凡伯所封之國莊周 **登城** 在縣西南六十

所謂荆王与凡伯競談即此也 **方城** 在縣西北二十里

門遺趾尚存即山陽故城曹 **方城** 在縣西北二十里

操蔡漢獻帝為山陽公居此 **方城** 在縣西北二十里

步南門故張飛城在縣西北王莽城在縣西北八十里

王莽所築齊王建舊居在縣西北七里蘇門山建

車轍尚存齊王建舊居在縣西北七里蘇門山建

兵擊齊齊王聽相后勝計不戰降遂遷於共處松栢

間餓死齊人歌之曰松栢邪栢邪住建共者客耶蓋疾

建用客嘯臺在蘇門山巔即晉孫登隱居長嘯之所

之誤嘯臺阮籍往見登與商畧終古嘿然不應

退至半山聞山巔有聲若鸞鳳乃登嘯也正德十一

年御史許完建祠臺北元御史劉賡詩舌如捲葉口

啣環裂石穿雲詎可攀鸞鳳不鳴人去久荒臺無語

對共山李夢陽詩萬古春城碧草還蒼臺只在白雲

間竹林北望風煙動寂寞蘇門更見山李濂詩長嘯

人何在在高臺尚倚空斜陽一以眺懷古意無窮土窟

元樓鳳虞羅謾弋鴻碧雲徒極目千載挹玄風雅官

龍德孚詩草衣披髮舊雲林徒倚高臺生遠心冷眼

三年渾下語放懷一肅有遺音卧觀未畫先天易調

入無絃太古琴最是鳳鸞千仞上蘇門山水自高漆

衛輝府志

卷一

三十一

安樂窩在蘇門山內西北百泉之上宋邵康節所居

窩中事事無唯存一卷伏羲書倦時就枕不必睡折

後携筇任所趨准備點茶收露水隄防合藥種魚蘇

苟非先聖開蒙吝幾作人間淺丈夫又安樂窩中弄

舊編舊編將絕又重聯燈前燭下三千日水畔花間

二十年有主山河難占籍無爭風月任收權開吟間

咏人休問此箇工夫世不傳又安樂窩中春夢時閉

門慵坐客來稀瀟瀟微雨竹間霽嘒嘒翠禽花上飛

好景盡將詩紀錄歡情須用酒維持自餘身外無窮

事皆可掉頭稱不知又安樂窩中春夢回累無塵事

可裝懷輕風一窈座中過清樂數聲天外來日影轉

時從杖履花陰交處傍樽壘人間未若吾鄉好又况

吾鄉多俊才御史孫慎詩乘興尋幽百仞岑西風吹

樹古堂陰高人已去羨桃李園康節共城詩序謂予

皇遠誰解當年首尾吟桃李園家有園數十畝皆桃

李梨杏之類即此今舊址仙人跡在蘇門山之巔大

無考一云在百泉南瀆河

仙人跡在蘇門山之巔大

無考一云在百泉南瀆河

無考一云在百泉南瀆河

三字未詳其指傍有小梅溪在縣西四里衛水之涯

字歲久磨滅不可辨琴亭月榭於此種梅數株吟咏其中遺址碑刻俱存

耶律楚材詩冷落梅溪二十年今日天教屬玉泉月

榭琴堂半頽毀冰姿問道尚依然又玉泉蓮芰逼人

清敢與梅溪也抗衡今日湛然都入手二橋風月老

餘生又溪畔亭臺半切灰冰香可惜為誰開而今已

有人為主折取疎枝寄我來又素餐十稔我胡然潦

倒而今欲避賢寄與梅溪竹林嵇康阮籍山濤向秀

且寧耐求歸更待兩三年阮咸劉伶王戎游隱之處世稱竹林七賢其西為七

賢觀今廢為寺舊屬河內元以山陽縣併入輝州今

屬輝縣王暉詩漠漠筠林指舊棲幾年於此山陽鎮

避危機竒才最惜嵇中散空聽鸞音月下歸

在縣西南七十里元省山醒酒臺在駝峯寺傍崖畔

陽縣入輝州改縣為鎮舒掌之狀光淨平坦劉馬武寨在縣西北七十里

伶每大醉則卧其上衛輝府志

卷一

洞在縣西北七十里地名耿草市斜陽在縣西北五

方里許芳草暢茂日連理樹在縣東二里道傍兩椿

不正午蓋山勢使然蔡相園在百泉書院左本衛州河平軍節度使與

衛輝府志

卷一

三十一

六百五十一

改名集仙資福宮筠谿軒在縣西卓水泉上元道士李重

農亭在縣西南清水百泉亭在百門泉上湧金亭之

衡嘗與門生游詠於此混混亭在百泉亭南水中舊

今靈源亭即其舊址名穠翠亭雲橋在穠翠亭西構石為之百泉

附錄蓋蹟在他境而事係

朝歌城在濟縣西七十里即紂所都也其衛國城在

南有槽壺酒池土人猶識之

城縣界內有康叔子路淵蹟孔帝丘在濮州東北相

惺靈公諸塚又縣南有古城帝丘傳顯頊建都於

此有帝塚故名春秋僖三十一年衛遷都於帝丘即

此一云帝丘城在滑縣東北七十里土山村春秋時

衛成公楚丘在滑縣東六十里春秋時衛文公自漕

遷於此漕遷此後改衛南今省入白馬縣

即白馬在滑縣治南衛戴公東濮陽在開州西南衛

徙渡河廬於漕漢為白馬縣濮陽嗣君獨有濮陽

此黎陽在滑縣西二里漢置縣衛水淇水合流野王

即河內縣秦置東郡而并濮陽古衛郊府范縣東北

更徙衛君角居野王即其地古衛郊府范縣東北

四十里舊有石門高匡城古衛邑今在長垣縣西南

數尺乃魯衛之郊匡城一十五里春秋諸侯盟於

社丘遂次於匡論蒲古衛邑故城在滑州匡戚城在

語子畏於匡即此蒲城縣即子路作宰地戚城在

州城壯七里春秋晉趙鞅此蒯聩臺在頓丘廢縣社五

納衛世子蒯聩於戚即此蒯聩臺里衛太子蒯聩登

衛輝府志 卷一 三十三 五百五十四

鐵丘上望鄭頓丘在清豐縣西南二十五里衛旄丘

軍投車處頓丘風送子涉淇至於頓丘即此旄丘

在開州城東北邶鶴城在長垣縣西一十八鶴池在

風旄丘之葛即此鶴城里衛懿公養鶴城鶴池在

城縣境內去縣五十六里相傳衛靈公養鶴之所

風俗

衛輝府衛多君子史記季札聞衛歌曰美哉淵乎憂而

不困者也吾聞衛康叔武公之德如是是其衛風乎

左傳剛武上氣力漢書地理志周末有子路夏育剛強

多豪傑漢地理志康叔之風雖善而殷之化重誼疎

則有先王遺風輿地民貧不習商賈地瘠俗淳勤於

播種孝弟之行有聞於時元地志性緩尚儒仗氣任

文獻通考其俗纖儉習事漢賈地濱大河其地上薄故

人氣輕浮其地平下故其人質柔弱其地硠薄不

耕耨故其人心怠惰詩備風註土地硠瘠物產稀少宋詹文人知自

學彬彬有文舊志睿聖武公之遺澤存焉元汲縣附

昨城縣人知敬養俗興禮讓王憚學記民頗尚義質朴

文舊志士矜名節民急公賦縣志

新鄉縣貧富相調耕桑是務舊志人多貧窮錢糧連負

縣志頗雜斤鹵宜於芻牧宋志

衛輝府志 卷一 三十四 地卅四

獲嘉縣俗尚儉朴不事浮靡舊志士知節義人多向學

縣志

淇縣民風敦朴澆漓率移舊志士崇禮義民務稼圃

輝縣男尚節介女多勁烈有共姜之風通志君子崇尚

禮文小人好飲而直婚姻喪葬有相周之義舊縣志

物產

論曰禹別九州之地書方物以任土作貢而王制有曰

命市納價以觀民之所好惡則物產之著所以辨土

性之宜而察其習俗之所尚也衛之所產如五穀六

性疏果草木之類皆四方所同無它奇產不必具載而載其稍異與舊志之相傳者然多昔有而今無難以按圖而索驥也

木瓜出汲縣爾雅曰楸木瓜也衛人所賦木瓜即此芋豆石榴出輝縣林禽出獲

嘉括出昨城仙茅出新鄉栢子仁 何首烏出輝縣竹出淇

澳漢武帝塞瓠子下之殆盡今輝縣有之青鐵 蒼珉石出汲縣碾石

青窰出淇縣

里社

汲縣原額四十里明裁併三十八里後因崇禎十三年饑荒人民逃亡國朝順治三年內詳請今裁併

衛輝府志 卷一

三十五

東鄉南陵東社一圖

三圖

東郭東社一圖

二圖

三圖

四圖

南鄉

南陵西社一圖

二圖

三圖

四圖

五圖

七圖

八圖

九圖

西鄉西城南社一圖

西城北社一圖

二圖

三圖

北鄉

北固社

四圖

東郭西社一圖

三圖

胙城縣一十九里

原額二十二里明裁併國朝仍舊

在城社里



一里 南宋社一里 二里 三里 龐固社一里  
二里 三里 四里 第五疇社一里 二里 三  
里 四里 五里 六里 七里 八里 九里

新鄉縣三十六里 原額五十二里明裁併  
國朝仍舊 新中鄉 嘉善鄉

南嘉善鄉 歸德鄉 貴賢鄉 共五  
在城社 大趙

社 永康社 小冀社 戒海社 張青社 李臺

社 郭柳社 介二堡社 塊村社 司馬社 辛

庄社 大冀社 唐馬社 王村社 龍泉社 大

興社 大泉社 豐安社 長興社 永興社

衛輝府志

呂村社 陽興社 永城社 丁家

社 曹村社 東庄社 西庄社

弘農社 介三社 原庄社 陳堡

社 高村社 豐安南社 婁村社

興寧社

獲嘉縣 原額二十七里明裁併  
國朝仍舊

在城社 南務社 段岩社 三位

社 位庄社 大王社 大林社

太仙社 羊家庄社 豐樂社 永興社

新豐社

小程社

吳福社

忠和社

安仁社

興福社

杜村社

淇縣四里

原額二十六里明裁併二十里國朝又裁併四社

南陽社

吳里社

閻村社

崇勝社

輝縣三十四里

原額五十二里明裁併國朝仍舊

在城社一里

二里

三里 壯王社一里

二里

三里

四里

關村

社一里 二里

三里

高村社一里

二里

三

里 北陽社一里

金章社一里

雲門社一里

二里 三里

胡村東社一里

胡村西社一里

衛輝府志

卷一

三

流河東社一里

二里

三里

四里

流河西社

一里 長流社一里

二里

三里

山陽東社一

里 山陽西社一里

資村南社一里

沙壩社一

里 平羅社一里

北流社一里

市集

汲縣

府城內舊有集今革

南關南

南關北

順城關南

順

城關北

北關

德勝關

頰坊店

李原屯

胙城縣

縣前街

廟前街

西大街

東小街

東關

草店

班勝固

小店

牛市屯

蔣村

新鄉縣 崇化街 歸德街 公歌街 安仁街

臨川街 三官廟街 樂水關 八柳渡 大家店

小冀 新店 永城店

獲嘉縣 政教街 里仁街 折桂街 書錦街

吳興街 興賢街 縣後街 學後街 東關 南

關 西關 小西關 永興村 前吳福 忠義村

亢村 宣陽驛 中和村

淇縣 縣前街 大街 南關 北關 東關 新

街 高村 衛縣集

衛輝府志 卷一 三十六

輝縣 大街 南街 後街 東後街 新街 炭

市 東關 西關 雲門 趙固 峪河 吳村

褚丘 南村 沙堤

衛輝府志卷之一終